

文苑英華卷第一百二十六

賦一百二十六

紀行

玄覽賦一首

東征賦一首

玄覽賦

梁孝元帝

歲次旃蒙月建司空變凌陰之呂扇廣莫之風蕭子褰帷  
九水作牧三宮乃盱衡而言曰惟天惟大惟堯則之惟地  
惟厚惟王國之粵我皇之握鏡實乃神而乃聖陳六聯於  
八則弘九職於三令運璇樞而御宇執玉衡而齊政大矣  
廣矣無德而稱俯齟齬於軒義諒斗筭於子姒包河圖與  
洛書括龍官乎鳳紀超大德於百王高鴻名於萬祀惟天  
縱於副后踰啓誦而惟首既倫儒於肅成復斷獄於長壽

豈止不莊屈膝將令班鄭捧箒磬衢樽而待酌若懸鍾之  
須扣前踰繫象之外聲高沫泗之右伊俯已之顛愚謬聯  
萼於天衢筮東門而畫野創南國而分墟詔伯宗以為儼  
誥內史而策書用分茲於茅社從侯服而俾予類金獸以  
封建非桐珪以錫處爾其湘水之東即我龜蒙魏甘露而  
分邑吳太平而定中鎮麟山之崔嵬傍龍跡其一作穹窿  
金城高而相屬石燕起而依風豈連鑣於分陝羨追蹤於  
二公彼琅臺之作守有彭泗之嘉名殊竝海之分地異魚  
石之所城經沈子之高塘蓋水運之堤封謝禮樂之干櫓  
閱武騎之輶衝軾錦車而前鷺驅魚軒而縱蹤無復鸞歌  
鳳舞唯對綠柳青松留吳宮之宿鸞響平陵之夜鍾樂府詩遠

總平飛余轡而西征戍太真之舊營鳴節鼓之金鐻屯戎

車於石城戮滔天之封豕斬橫海之長鯨每輟書而歎息

景樹德之風聲從王役於鏡中浮文鷁而載鴻經謝亭而

帳飲想彥伯之高或作風度五城而騁望見三冀之無窮

故以飛雲蒼準白鱧青桐金吾舍利鳴鶴紫宮眺方嶽乎

雲間望赤坂之珠珠殷想真長之送別懷思曠之還山此檜

檝而方遠彼松舟而未閑倦旅泊於新丘同渭水之不流

或千人而竝唱乍萬人而相鈎毀橋由於瑗度鑿空資於

仲謀睇三茅之靈秘懷九轉之仙記紫臺石室之文青首

銀函之字獨有披霧之心彌軫凌雲之志捫殷碑之愴望

挹延州之高讓井甯沸而蜚螿勢崎嶇而低昂見傳傳巴之

卷之六十六 正統

度曲開疑作安歌之浩唱想觀樂乎朝陽憶紆衣乎夕張

迴途疑作餘疑作舫之美風聳余棹乎雲陽彼柔梓之必敬况松

疑作榆之舊鄉將遊目於五湖乃浩覽或作夕於姑蘇臨

閭門之跨水聳重闕而開都睇太伯之卜祀爰避國於勾

吳去西滄之樂政尊東夷之楷模時渡谷水之陽尚想嘉

禾之方壯慶亭於吳后雄構李於越王觀泉亭之涌波崖

巍巍而峩峩張素蓋而縈州嶼馳白馬而越江淹鼓洪濤

於萬里魯未動於織羅及戾止乎東歐疑作登王筍與銅

牛山東武而遙集鴈南海而飛浮巖亭亭其似蓋氣茗茗

其若樓登舜橋而延首瞰禹井而淹留御史之狀猶在督

護之門不脩雖濫同於借寇愧人瘼之何求皇覽揆余之

忠誠詔入謁於承明既攝州於淮海且作尹乎中京慕張

生之謫伏挹邊延之勵精珥金貂而待問鳴玉佩而趨庭

兼三河及三輔惣九緯乎九經揚王庭之俊選聞褻然於

前則時濫假於中台掌邦教之觀國乍南宮而薦士且右

鄉而表德判辟雍之樂語辯金馬之儒墨驅安君以騁望

壯天居之麗極詳夫皇王爰處本無定所堯都平陽舜在

冀方玄王居亳成周卜洛故知黃旗紫蓋域中為天地之

所合風雨之所會蔭美氣之葱葱浮卿雲之靄靄聳梁山

而成闕縈長淮而似帶昔者甘泉暉章平樂未央凌霄飛

雨麒麟鳳凰九華仁壽百福明光玉階紫闈雕柱錦墻木

蘭為棟文杏為梁温臺冬燠秋窓夏涼甲乙之帳庚辛之

方未有祗園之右齊之仁壽用擬舟航長為稱首日殿月

宮金池珠叢七重迢迢千柱玲瓏虹橋左或作右跨為苑南

通紫紉之堂臨水青蓮之臺帶風及夫皦光未旭更籌曙

促猶然陽燧之火尚執驪龍之燭或帶桃花之綬乍響玄

山之玉爰八命而建煥誠非親而勿居應鳴一作齊鞞於龍

角覆緹幕於熊車開轅門於淮渚泛餘皇之容與吟紫駟

之長歌奏玄雲之疊鼓開右座而納文設左廣而投武或作

光而既風起而雲飛復摧班而拉虎泛樓船而鬱紆憶霸

楚之雄圖悲騅馬之不逝忘鹿逐之長驅豈烏江之天險

資赤帝之神符於是途經灌壘或作壘水分當利彼吾王之

連和延魏后之交質趙將軍之建節辛侍中之奉使亮鼎

足其何言限修江而為二泊九井而問津蓋六服之都會

方函谷之設險譬魯陽之襟帶觀棄繻之裂帛見高車之

輔軼顧濡湏之故轍每當食而忘飯聞二虎於江干爭兩

龍於修坂既凱捷而來旋遂鳴鏡而獨返彼銅山之可傷

何驕容之無方已築長洲之苑復實海陵之倉遂稱兵而

內侮宜朝起而夕亡原西陵以肇基始衝梯於士治載為

前茅之首實表勤王之師同意茲之興謗成具錦之深疑

良弓藏而高鳥盡入不謙而出不辭遊雷中而徜徉遇日

吉而辰良祀公瑾以桂酒薦忠肅以椒漿疑討曹之英

策蓋謀桓之秘方衣披披而屢舞神欣欣而樂康吊劉安

於下雉聊載懷於惇吏或策杖而龍飛或叱石而羊起將

東富

雞鳴於天上遂疑埋魂於蒿里匪仙道之云偽蓋為仁其  
 由已經釣臺而高邁過鄂渚而西浮變青門之三襲為黃  
 塵之一丘城透池而中斷階坡陁而半留分沙羨而啓鎮  
 即開蕃與蕃同於夏州星尚連於翼軫舍兼分於斗牛麗滄  
 浪之水清良信美乎濯纓疑其釣而非釣復何慮而何  
 營羗有願而不護疑拂蘭橈而上征冬已謝而春辭聊  
 方舟而水嬉看白沙而似雪望却月而成眉臨石渚其如  
 鏡玩弱柳其猶絲停赤壁而延佇聊愴望而方思吳水鄉  
 之舟楫魏陸產之皐貔本吳長而魏短况地利與天時結  
 憤風而炎上燎原火於驚颶灰霧霏而擊馬箭參差而麗  
 龜成班車之逸氣碎當途於鹿麋分洞庭於吳上吳上限東益

於巴丘如滔澠之相別似涇渭之分流雖滔滔而直瀉終  
 耿耿而橫浮想蘭香之薦枕懷娥媿之夜遊若夫子瑜設  
 險之記計閻遨游或作浪湧之地既下車而踐境早詢求於方  
 志曉泊鬻拳之津夕瞻荒谷之寺居柳下而布德坐棠陰  
 而高視班六條於宰邑賢十部於從事每題輿於仲舉豈  
 虛名乎叔治藉務隙於登臨乃紛吾之本志時復設羽蓋  
 揚旌旆乘雕玉從貝帶浮雲起登高唐泛枉渚望涪陽荆  
 棘生於龍門之下狐兔穴於馬牧之旁臨章華而流一作  
 盼見舊楚之淒涼試極目乎千里何春心之可傷其舊無  
 此者宮也夾江帶阡布護一作井田通達一作交道高門  
 字接連人要腰一作水心之劔家有給一作耕之田既追隨

本草菅蒲  
一名堯菲

疑作鈔左  
傳旗名

而得性寔燕處而超然若平臺之中觀閣相通雄梁渡水

壯翼臨空金堤之路銅鞮之宮閣寫陵霄樓布麗譙橫走

馬而為觀擬牽牛而作橋爾乃樹之榛栗倚桐梓漆三色

一作黃其千戶朱橘挑蔭井而成蹊萍浮江而泛實蟬鳴

枝而候稻范飛冠也蜂而吐蜜復有水底石髮山筋地骨書

帶新抽屏風牙發反魂長生靈壽女貞金鹽玉豉堯韭舜

榮交讓之目代謝之名忘憂長樂枇杷疑鼓箏竹則簞管

綠箴交戰策皮淚沾虞后龍還葛陂便娟防露七諫娟之

而防檀欒夾池聊右書而左琴且繼踵於華陰彼門人之

問疑道各家求而有心先鈇擿於魚魯乃紛定於陶陰識

三家之云謬知五門之可尋時仰稟於皇猷討巴濮於裨

條乃稜威於華墨出車檻之云脩觀月窟之入附觀日勒

之來遊既虎牙而成號又龍額而為侯仰皇德之洪深疑

朱離詩注西夷之於侏文選東都賦襟離兜離任見白題

之蹋鼓看烏孫之學瑟獻挂條之良賁奉桃枝之恠琛嗤

聚米於馬援晒畫地於臧旻彼蠢爾之為鯁伊憑凌而未

靜異黃金於黑山非綠林於青嶺余喟然以指蹤實濟寬

而持猛負步光之文劔驚漢陽之夕景麾靈鋸之左轉光

玳簪而右簪一作雲一作生而陣合紅塵起而軍暗於是驅

驩驩命蹶張迴翠蓋之金瓜臨絳宮之玉堂擬都護之戍

已模荆尸之甲裳作齊軍之臧竈敦燕師之卧墻觀田峻

於虞澤命車右而前驅猶從戎於細柳若驅馬於長榆矜

於虞澤命車右而前驅猶從戎於細柳若驅馬於長榆矜

猿鳴之抱木傷兔走之依株每愀然而作色方載馳而轉  
 軼閱放麇而與憫對亂鱗而動惻矧高宴於城隅駐五馬  
 而踟躕乃此上疑有青琴碧玉絳樹綠珠西河王豹東野  
 綿駒蘭缸夕然合璧斜天照流風之迴雪映出水之初蓮  
 非吾心之所悅曾未始而流連濫叨榮於分陝踰一紀之  
 星躔子既生而冠字嗟留滯以迴遭罷臨邊之瑞節觀楚  
 黎之卧轍向秋野之蒼茫對寒江之幽咽散歸雲之鬱蒼  
 吐長風之颼颼聞羌笛之哀怨聽胡笳之悽切慘疑作余  
 袂兮淚成行攀余轅兮不忍別奉信珪而入朝驅駟馬一作  
 駿而乘輶既總司於戎旅亦兼飾於豐貂登贊踞而目極  
 忽平原之已超帶方達之九軌接馳道之三條彼重門之

擊柝馮霞起以建標雜丹樓以藻井間青山於綺繚者疑

落星之從龍觀燿火之迢遶鬱如蓬萊之臨滄海憬如崑

崙之出絳霄函夏之所覲江漢之所朝若夫天不愛道地

不愛寶實連瑞木見白虎通紫達文選曲水詩序作紫脫華平朱草見東觀記麒

麟五色飛兔雙翼集我君圃之旁遊我帝梧之側于斯時

也天子郊禘于員丘高玉簡於東漢邁金版於西周奏蒼

壁而服大裘樂有雲翹之舞牲非蠶粟之牛設黃琮而禮

地望方澤乎神州節會咸池之瑄冕無繁露之旒觀三農

乎九穀薦黍稷之種稷命甸師而清塵詔封人而出宿敬

青壇而致虞動翠輅而祈穀時季春之上巳臨後禊乎沼

泚杏花發於露寒棘實浮於濛汜爰長久之御節採日精

於山趾天策夜而動星鈎陳朝而按軌予是時也陪王軼  
飾金羈驅駟躍翠罷乘個儻控權竒寶劔昭晰綵鞞陸

離乍俯馬足時仰月支見靈鳥之占異觀司南之候離習

執鞭而珥筆雖日夕而忘疲奧疑重明堂地景一有已丙

乃明堂之方染未諱丙乎正陽乃八牕而四達開上員而

下方置陰鑒之明或作朝水設珪瓚而盈觴諄天官乎冢宰

服端委而辨方虔植物之蘊藻鄙將饗之牛羊藉鴻私而

置傳復推轂而懷方沂蛟川於匯澤公鵠塞於潯陽何蠡

川之浩浩而匡岫之蒼蒼其匡岫也盤紆峭崿嶷嶷嶺鬱律

峻極于天干霄秀出岑嶽崎嶇烏兔蔽虧哈呀豁聞疑作

背原面野噴飛流於天末鼓雷霆於巖下聳高館於雲中

聯藜祠於星社雕薨綺閣吁可畏其欲落雲霧杳冥縈萬

嶺而俱青照曜山莊岩堯石梁鴈門餘帳隆安故床鏡臨

江而分影鑪啣花而共香若乃羽族徘徊察風應雷鴛鴦

感夢乾鵲知來露華挾鳴而肅侶御環帶壘而合或作猜

孔接影而颺颺鷗交頸而陪鯁爾其彭蠡際天用長百川

沸渭渝溢歛淡連延大則浩汗滉漾細則澆灌潏潏遇祈

或作颺之沸爽彼所或作報之無憇且搏搖以九萬乍高

颺而三千其中則有澆潏嘉魚鷺羽龍鬚戴星含石蒲疑

身雉軀乍浮圓鏡時泛明珠報蕩予之長信送仙人之短

書耻觀魚而為樂解舒鴈於高繳必冀孔愉之龜當如噲

叅之鶴愾衝冠而發憤嗟吾人之施薄觀進退於我生每



篤靖而居貞羞爲金谷之富不矯石閭之清每鞠躬而遵  
節藉王道之既平貴靜者人所便予得之於自然非三百  
之不足惜五十於豐年笑汗斜之行潦喜其雨於石田飛  
新梅於倡粉拂輕絮於房綿月芝抽而曉落燈花開而夜  
燃菊從風而金散荷帶水而珠員已寤歌於折柳復行吟  
而採蓮課七分與六日推兩地與參天夕章程而鈎股亦  
刺注而叅連幼墳藉以自娛迄方今而不渝雲氣芝英之  
簡懸針倒薤之書緘乎蒸栗之帙歸乎酸棗之珠擬河獻  
之留真希淳儒一作之席珍笑彭聃之下士聊重義而自  
欣一作臨秋水之至鑿戶牖而長望混木鴈而兼陳嗟今  
來而古往方一作絕筆於獲麟

凡一作皆藝文類聚節文

東征賦

高適

歲在甲申秋窮季月高子遊梁復久方適楚以超忽望君  
門之悠哉微先容以効拙始一作不隱而不仕宜漂淪而  
播越出東苑而遂行沿濁河而茲始感隋皇之敗德劃平  
原而爲此西馳洛汭東竝淮涑地豁山開川流波委六宮  
景從千官邈迤龍舟錦帆照耀乎數千一有里大駕將去  
群盜日起尸位者卷舌而偷生直諫者解頤而後死寄腹  
心於臯鏡任手足於蛇虺虫一作受殺於匹夫尚興疑於  
愛子豈不爲窮力役於征戰務淫逸於奢侈六軍悲牧野  
之師萬姓哭遼陽之鬼嗟顛覆於曩一作日指年代於流

水唯見長亭之煙火悲

此字無

曠野之荆杞至鄴縣之舊邑

懷蕭相之高風既屈節於主吏每歸誠於沛公始俱起於

天下乃從定於關中推金帛於他人挹圖籍於我躬按山

川之險阻救

一作

天地於

一作

連蒙嘉盈俸以增邑方挹

一作

蹤而建功納邵平以防患舉曹參而告終經經城而

未望想譙郡而銷憂慨魏武之雄圖終大濟以橫流用兵

戈以威四海挾天子而令諸侯乃擅命以誅伏徒矯跡以

安劉吾始未知夫逆順胡寧比

一作

於殷周下符離之西

遍臨彭城之高岸連山鬱而

一作

漭蕩分大澤

三字一作

漭平

乎渺漫憶

此字無

昔天未厭禍項氏叛換解齊歸楚自蕭擊

漢天地無色風塵潰亂憫君王之坎軻泥士卒以奔散苟

炎運之克昌豈人生之塗炭次靈璧之逆旅面垓下之遺

墟嗟魯公之慷慨聞楚聲之

一作

悒於歌拔山之

一作涕

漭竊霸圖而莫居捐

一作

亞父之何甚悲虞姬之有餘出

重圍而狼狽至陰陵以躊躇顧天亡以自負雖身死兮焉

如登夏丘而寓

一作

目對蒲隧而愁予聞

一作

取慮之斯

在徵長直而舍諸宿徐縣之廻津惟偃王之舊域方以小

而事太豈無位而有德彼皆昏暴以喪邦

一作

伊何仁義

而亡國高延陵而

一作

挂劔慕班彪之迷職

一作

沛水

之悠悠俯婁林之行

一作

直即日河澗依然泗上山川土

田耳目清曠眺睢

一作

源之呀豁倚楚關之雄壯挂輕席

於中流

一作

順長風以破浪過盱眙之邑屋傷義帝之波

蕩雖一作三戶之亡秦知萬人以離項越龜山而訪泊入

漁浦而待潮鴻鴈飛兮木葉下楚歌悲兮雨蕭蕭霜封野

樹冰凍寒苗岸草無色蘆花自飄幸息肩於人事願投跡

於漁樵思魏闕而天遠向秦川而路遙候鳴雞以進帆趨

亂流以爭迅縱孤舟於浩大撫垂堂以誠慎遵往主二字一作

在於淮陰徵昔賢於韓信哀王孫以一作寄食嘉漂母之

無愠鄙亭長之不仁乃晨炊而嗇悵忽從龍以獲騁遂擒

豹以自奮破全趙有奇謀三字一作稱假齊以益振幸辭

通以感惠俄結豨而謀釁當處一作約而心亨曷持盈而

不順陵赤岸之迢遞棹白波之紆餘歷山陽之村野投囊

資之邑居人多耆一作艾俗喜觀漁連葭於郊甸雜汀

洲於里閭感百川之朝宗彌結念於歸歟日杲杲以麗天

雲飄飄以卷舒魯放情而一作蹈海丘未歎於乘桴遇坎

則止吾今不知其所如哉

允一作皆川本文粹乃集本

兩賦通改正一百四十九字可謂多矣今日共校三卷

戊寅三月初八日藏園記

文苑英華卷第一百二十六

文苑英華卷第一百二十七

賦一百二十七

遊覽一

閑遊賦一首

遊廟山賦一首

楚望賦二首

望賦一首

閑遊賦

并序

徐魁

余嘗讀易至謙豫二卦乃廢書而歎曰嗟乎天道其何遠哉故逍遙山阿內身外物自保幽靜庶無悔吝遂援毫命牘賦閑遊之章云爾

夫居幽而思遠兮固先達之所言吾乘方以靜拙兮亦自得於丘園羨馬蹄之踐雪兮憐澤雉之處樊鳩歸來以遂志兮豈榮華之足敦傍山阿而葺宇兮即樹援而啓門爾

其山則盤紆深沉穹窿杳藹下枝迴溪上瀉懸瀨絕峯交  
竦深林榮帶魚鳥來往煙雨紛其雜會喧以騰倚之獸蔭

以偃蹇之木百藥爭妍千芳競馥紫芝所業黃精所畜玄

後遊嘯於陰枝疑作枝惠風徘徊於陽谷潤疑作潤綿靡而成

文泉瞰鏡而自肅若乃春華既落秋實就成翔雲疊壘流

月亭亭高蟬嘶韻玄鳥辭楹氣淒清而開朗露溼冽而含

清或傍徨乎松壑亦偃息乎林扃覽五聖之餘軌酌三古

之遺經信居謙而履福如在豫而忘鳴遵養性於黃術鑒

止足於老生欣松屑之可餌一作難黃金之未成至乎身

乖俗偶志罷世紛坐隣沙雪卧接煙雲耿長霜一作霜而未

寐乍含味以成文傷孤鴈之失伴懷哀鶻之離群何物類

空九格

之多感口逸而心廣願飄然而高舉美人兮巖阿芳

菲兮襲予奄冉其將暮山蕭條而無侶發清琴以輔志操

長歌以延佇歌曰上幽岫兮得所欽山疏塵兮桂酒樹嗟

草木兮洛疑春心悼日月兮遊疑相尋貴龍鳳兮就高深

悅張邴兮託蕭森歌響既畢月已沉乃擁荷蓋命漢舟越

蘭渚泛滄流意超遙其誰恨何俗累之為憂傷路人之狹

隘聊放心以閑遊

遊廟山賦并序

王勃

玄武山西有廟山東有道君廟蓋幽人之別府也長蘿巨

樹稍翳雲日王子馭風而遊冷然而喜益善益懷霄漢之舉而

忘城闕之戀矣思欲攀洪涯於煙道邀羨門於天路仙師

鳳疑作

不在

集作存

壯志徒爾俄而泉石移景秋陰方積松栢群吟

悲聲四起背鄉關者無復四時之策焉嗚呼有其志無其

時則知林泉有窮路之嗟

集作哭

煙霞多後時之歎不其悲

乎遂作賦曰

陟彼山阿積石峩峩亭臯千里傷如之何啓松崖之密蔭

攀桂岳之崇柯隔浮埃於地絡披顥氣於天羅爾其綠巖

分徑蒼岑對室茵軒丹紉芝場翠密俯泉石之清冷臨風

颺之瑟颺仰紆臺而携手望玄都而容

集作屈曲

膝躡霞岡於

玉砌步雲岳於金壇懷妙童於真女想青螭及碧鸞情恍

恍而將逸心迴迴而未安見丹房之晚晦知紫洞之宵寒

既而霧昏千障煙浮四野恨流俗之情多痛飛仙之術寡

集作廟

驅逸思於方外踟高情於天下使蓬瀛可得而宅焉何必

懷於此都也亂曰已矣哉吾誰欺林壑逢地煙霞失時託

宇宙兮無日俟鸞虬兮未期他鄉

集作邦

山水

集作谷

祗令人

悲

楚望賦

并序

李嶠

序曰登高能賦謂感物造端者也夫情以物感而心由目

暢非力覽無以寄杼軸之懷非高遠無以開沉鬱之緒是

以騷人發興於臨水柱史詮妙於登臺不其然歟蓋人稟

情性生哀樂思必深而深必怨望必遠而遠必傷千里

開年且悲春日一葉早落足動秋襟坦蕩忘情臨大川而

永息憂喜在色陟崇岡以累歎故惜逝愍時思深之怨也

搖情蕩慮望遠之傷也傷則感遙而悼近怨則戀始而悲  
終遠節弘人且遊軫念苦心志士其能遺懷是知青山之  
上每多惆悵之客白蘋之野斯見不平之人良有以也余  
少歷難銀作虞晚就推擇楊子甘泉之歲潘生秋興之年曾  
無侍從之榮顧有池籠之嘆而行藏莫寄心跡罕并歲月  
推遷志事遼落栖遑卑辱之地窘束文墨之間以此為心  
心可知矣縣北有山者即禹貢所謂岐東之荆也峒崑高  
敞可以遠望余簿領之暇蓋嘗遊斯俯鏡八川周睇萬里  
悠悠失鄉縣處處尺疑雲煙不知悲之所集也歲聿云暮  
遊子多懷援筆慨然遂為賦云爾

芒之寒日聽蕭索之悲蟬廟疑獨處而無晤吾凝睇乎八  
埏於是繁懷載紆積慮未豁生遠情於地表起遙恨於天  
末霜盡川長雲平野濶恨遊襟之造疑作蕩憤羈怨之恻

疑作切 但寂焉長想倏若有亡固將言而已歎信無哀而自

傷撫余情之增軫悼人事之多戚曾浮促之幾何而思緒  
之纏邈思何憂而不入心何慮而不攢雖感目之一致終  
寄懷而百端若乃平原杳兮千里春山香疑兮萬里親疑

新迷故鄉之處所戚愛舊之聲塵願寄言而靡託思假翼

而無因徒極睇而盡思終天性而傷神或復天高朔漠氣

冷河關漢塞鴻度吳宮鷺還對落葉之驅壽怨浮雲之慘

顏爾乃求眺無見端居不聊音愴歸軒之寂寂傷遠客之

悠悠月臨城曉風送邊秋唳鶴二字聞兮炯不寐凝笳動

今此夜愁及夫寒野蕭條空山寂寥目鄢郢而途眇指邯

鄲而路遙傷求離兮浦曲訣遠送兮河橋眺平蕪之漫漫

瞻遠樹之迢迢仡然直視嗑矣魂銷形將槁木同植心與

飛蓬共飄至如隴上從軍漢疑陽謫戍插羽朝急要鞭夜

赴黯黯寒雲蒼蒼關樹其埋影於異城楚回首於歸路魂

逝兮邑里目斷兮煙霧步將前而後疑作留望欲罷而還

顧覩驚塵之欵起見征羽之將度泉石愴而增咽行旅悲

而失措亦有擣衣思婦織錦從人看粉黛兮無色視桃李

兮非春君去兮還無期妾心兮私自悲高臺四望無極天

疑天涯一去何君疑盡時天涯兮綿綿問道路兮將幾千

朝朝暮暮綺窓前長懷此恨終永年若夫羈旅失職之人

放逐流離之客羗抱恨而誰許疑作塊緘愁而不擇疑於

是窮澤際天滄流拂漢屬榮悴兮時改遇炎涼兮節換莫

不瞻草木而孤絕向風煙而求歎故夫望之為體也使人

慘悽伊鬱惆悵不平興廢思慮震蕩心靈其始也罔兮若

有求而不致也悵乎若有待而不至也悠悠揚揚似出天

壤而涉雲莊逡逡巡巡若失其手而忘其真群感方興衆

念始并既情招而思引亦目受而心慳疑今漫兮終逾遠兮

肆兮流兮宕不返兮然後精迴疑魄亂神璽至二字否憂

憤總集莫能自止雖剛悍武力之夫法度禮容之至疑孰

不解夫毅廢綱遺紀祝疑借使擗疑河負海牛山之美可

不



遊左江右湖京臺之樂難忘魏千秋金綺羅傷一作顧山

川以永慨邀後山川而詎央若乃羊公愴惻於峴山孔宣憫

然於曲阜王生臨遠而沮氣顏子登高而白首惟夫作聖

明哲寬和敦厚亦復怛色愀容喪精疑壽故望之感人

深矣而人之激情至矣必也念終懷始感往悲來泐未形

而至造思繫無而生哀此懽娛者所以易情而慨慷達識

者所以凝慮而徘徊者也

第二序并

劉禹錫

予既謫于武陵其地故郢之裔邑與夜朗諸夷錯繫乎天

者陰伏陽驕繫乎人者風巫氣竄是以囂一作浮浮利

于樓居城之麗譙實隣所舍四垂無蔽萬景全入因道其

遠邇所得為楚望賦云

翼軫之野祝融司方陰迫而專專實生沅天濡而零土洩

而泥氣罕淑清兮淫氛曠曠四字一作中人之體兮為瘡

為瘡一作以曠滌煩兮利居高于物外我卜我居於城之

隅宛在藩落麗譙渠渠四阿垂空桐戶發樞眸子不運坐

陵虛無歲更周流時極慘舒萬象起滅森來貺予櫺軒之

外群山巖從崗陵靡陀勢若相拱出雲見恠窈蔚森聳露

夕朝霞望如飛動簷廡之下大江傾動支流合輸泄入雲

夢羲和望舒出沒兩涯涵泳之族聳取噉呀秋水灌盈漩

石飄沙流枿軒昂舞于盤渦逮及收潦澹如醪醕白石磷

磷倒影羅生蘋末風起有文無聲悠遠煙綿與空蒼然湘

文苑英華 卷一百一十七

沉之春先令而行臆月寒盡温風發榮土高如濡言鳥嚶  
 嚶三星曄其曉中植物颯以飄英雲歸高唐草蔽洞庭目  
 與天盡神將化并圓方相函遊氣杳冥熙熙藹藹藻飾群  
 形枿樹同丘積空疑青環洲曲塘含景曜明恢台之氣發  
 于春季涉夏如鑠逮秋愈熾土山焦熬止水漫沸翔禽跼  
 墮呀喙一作味垂翅曦赫敲蒸陽極召一作反陰二儀交精下  
 上相歆雲與天際歛若車蓋疑矐未瞬彌漫霰霽驚雷出  
 火喬木糜碎殷地蕪空萬夫皆廢懸雷縷縷日中見昧移  
 晷而收野無完塊少陰之中景物澄鮮丹葉星房燭耀一作  
 輝川原夕月既望曜一作曜于丹泉上鏡下水湔塵濯煙宿  
 麗落芒獨行高躔皓一作皎一氣之悠悠絜有形而溢清玄

香微

一作微

明以斐文疊想遊目於化先夜無朕以徂征金

霞暈乎海孺明星方揚斜漢西懸璿柄如墮半沉層一作層

濶雞啁晰而晨鳴今日荏苒以騰晶動植瞭兮已分山川

鬱乎不平復人寰之誼卑洵浩浩以營營追向時之景光

不可驟得以再更意華胥之夢還猶一作獨彷彿而馳精日

次于房天未降霜百卉猶一作獨澤水泉收脉故道音削

衍為廣斥水禽嬉戲引吭伸翮紛驚鳴而决起捨綵翠于

砂礫時北風振槁揚埃蕭條邊聲與鴈俱來寒氛委積萬

竅交激楚雲改容飛雨凝滴灑林迤響浙瀝梢械飛電照

雪以騰光柔蔬傲霜而透圻躔次殊氣川谷異宜民生其

間俗鬼言夷招三閭以成謠德伏波而構祠投秬粒以鼓

檝秦鯁魴而如蟻蟠木靚深孽妖愚之祈年去厲於蠲敬  
祗擊鼓肆筵河一作阿旁水湄薦誠致祝却落躩踞渚居鱸

食大掩水物罟張餌啗不可遁伏顯舉潛縶晝撞夜觸設  
機沉深如捨于陸彼遊儵之瑣類咸跳脫於窘束雖三趾

與六眸時或加乎一目亦有輕舟軒輕泛浮拖綸往復馴  
鷗相逐暮夜澄寂嘯歌群族傖音俚態幽怨委曲逗踈拆

於江城引哀援於山木巢山之徒抨一作梓木開田灼龜伺  
澤兆食而蟠鬱攸起于巖阿騰絳氣而蔽天熏歇雨濡一作

澤穎垂林顛盜天和而籍地勢諒無勞而有年罷士閑人  
逸為末作求金渚涖淘汰澆滸流注潰沱一作潰池繁光熠爚

貪賈來貿發于懷握無翼而飛潤于豐屋晒耘耕之佻佻  
徒胼胝以自鞠我處層軒日星迴還閱天數而視民風百

態變見乎其間非耳剽以臆說兮固幽求而縱觀觀物之  
餘遂觀我生何廣覆與厚載豈有形而無情高莫高兮九

閻遠莫遠兮故園舟有楫兮車有轄江山上一江坐兮不可

越吾又安知其所如况臨高以觀物參用本集校定

望賦

前人

邈不語兮臨風境自外兮感從中明晦轉續兮八極鴻蒙  
集作濛上下交氣兮群生異容發孤照於寸眸驚遐情乎太

空物乘化兮多象人遇時兮不同嗟乎有目者必騁望以  
盡意當望者必緣情而感時有待者瞿瞿忘懷者熙熙慮

深者矐然若喪樂極者冲然無違外徙倚其如一中糾紛

今若斯望如何其望寂樂晞慶霄兮迴阿閣如雲兮天顏  
咫尺如草兮臣心踴躍扇交翟兮箴黜旗升龍兮雙略日  
轉黃道天開碧落疑瑞景於庭樹掬菲煙於殿幕望如何  
其望且權登灞岸兮見長安紛擾擾兮紅塵合鬱葱葱兮  
佳氣盤池象漢兮昭回城依斗兮闌干避御史之驄馬逐  
倖臣之金丸望如何其望攸好宗萬靈兮越四隩漢帝仙  
臺兮秦皇海嶠霓裳踊一作于河上馬跡窮乎越徼紫氣  
度關而斐疊神光屬天而照耀晚眷眷以馳精聳專專而  
觀妙望如何其望有形視蠢蠢兮窮冥冥楚塞氛惡兮蕭  
關燧明暈籠孤月兮角奮長庚沙長一作似雪積有疑城  
煙雲非女子之氣草木盡王者之兵審曳柴之虛警破來

馬之先聲信有得於風鳥亦一作無言於旆旌望如何其

望且慕恩意隔今年光度雕輦已辭兮金屋何處長信草

生今長門日暮候翠華之儻來仰玄天以自訴况復湘水

無還章一作河空注浹染枝葉香餘紈素風蕭蕭兮北渚

波煙漠漠兮西陵樹夫不歸兮江上石子可一作見兮秦

原墓拊一作瑟翻朔塞之思一作挾瑟指邯鄲之路望如

何其望最傷侯環玦兮思帝鄉龍門不見兮雲霧蒼蒼喬

木何許兮山高水長春之氣兮悅萬族獨含嘖兮千里目

秋之景兮懸清光偏結憤兮九回腸羨環拱於白榆惜馳

暉於落棠諒衝斗兮誰見伊載盆兮何望平聲豈止蘇武在

胡管寧浮海送飛鴻之滅沒附陰火之光彩鶴頸長引烏

頭未改恨已極今平原空起何時今東山在末望如何傷  
懷孔多降將有依風之感宮人成意一作月之歌歌曰張  
衡側身愁思久王粲登樓日迴首不作渭濱垂釣臣羞隨  
一作洛陽拜塵友

允一作皆集本

三月初九日校定八十五字 沈未記

文苑英華卷第一百二十七

文苑英華卷第一百二十八

賦一百二十八

遊覽二

登故宜城賦一首

汝州薛家竹亭賦一首

出門賦一首

將歸賦一首

泛渭賦一首

洛川晴望賦一首

登吳嶽賦一首

過驪山賦一首

登故宜城賦

丙申歲避地襄陽見召掌節度書記陪幕府源公赴江陵作

蕭穎士

升彼墟兮遐眺荆江邇矚樊沔頽沲以隱嶙歎缺而岷嶮

野茫茫其靡極何人戶之卑渺悵青春集作陽今始交又白

日今其集作晚悲世事之艱阻慨征途之未返憑寒臯以

盡目究林莽之深淺煙迴起於殘燎鳥群飛於絕巘曾是  
感時而戀舊孰不酸辛而僂俛也矧乎寓縣垂刺關河阻  
遏去枌榆兮地表離集作望骨肉兮天末涕橫墮以集作臆而若

注懷求痛其集作如割悠悠蒼天不日不月曷其有佞撫  
艱勤之此土偶四海集作絕而承平方神武之君臨尚未遑

於戢兵警山戎之外虞重燕伐之專征罄帑藏之實窮干  
甲之精陸隘幽冀水填滄溟集作瀛其為盛也入師長於庶

僚出董率於連城冢婦降於集作乎王姬餘子起乎正卿睚  
眦則浹日誅夷攀附則累歲尊榮王帛車輿鍾鼓臺亭煥

赫而鑿錮三十年中初不戒其滿盈終大都之隅國逸漏  
網之奔鯨潰亂集作橫潰河淇屢劉汴滎覆東洛黎陝柯抗靡

堅陣守無完營呼吸三旬遂至至字集作陵憑乎上京燿燧燭於

王宮潼關為之晝扃暨而將吏遁竄丞民駭散崩騰郡邑  
空閭閻閉荒涼我汝穎牢落我睢渙傳置載馳於商鄧兵

符薦集於淮漢彼邦畿之尹守藩牧之垣翰莫不光膺俊  
選踐履清貫榮利益乎姻族繁華恣集作極其侈翫或拘囚

就戮或胥附從亂魯莫愧其愚懦又奚聞於殉難甚乎昔  
先王之經國仗文武之二事苟茲道之不墜實經天而緯

地邦家可得而理禍亂無從而至今執事者反諸而儒書  
是戲蒐狩鮮集作罕備忠勇翳鬱澆風集作浮橫肆蕩然一變

而風雅殄瘁故時平無直躬之吏世難無死節之帥其所  
由來者尚矣不其哀哉變之始也予旅寓於淇園初提挈

而南奔崩波滑臺逼進夷門亡車徒於鼎城集作城擯圖籍

於轅轅背維嵩遵汝濱集作墳迴環乎郊葉飄泊乎穰宛嗟

歲聿集作律之云暮結窮陰之涸涸集作野蕭條以罕人盜

充斥以盈路微奔走之僕御有啼呼之幼孺川層冰而每

涉塗積雪而猶步晝今夜兮曾莫解於集作于馳騫惟寢與

食曷嘗忘於集作其恐懼略南鄉之左鄙凌北津之勁集作而徑

渡偉夫峴首之為鎮也峻隅百雉危甍萬井森松篁之蒼

蔚劃鄠街集作術以周整前山榮依而秀拔集作聳斜漢杳映以清

迥杭稊蔗橘雜荆衡之蓄桑麻黍粟侔冀魏之境漢之盛

也移集作稱南國之冠蓋晉之衰也為北門之捍屏今方嶽

之仁明惠久要於平生幸羈旅而獲宥旋載筆於戎旌陪

後車乎南紀儼四牡以專征歷墮墉而訊諸乃楚鄢之遺

城昔集作在漢皇之標季問諸侯之釋位聞景升之是牧歎

興廢於茲地其後綏懷勁楚抗集作折強魏雄九域以高

視為一方之所集作大庇亦謀猷所賴而致也于時寇盜蜂

聚生民失土賢雖避世才亦擇主有卧龍之奇英集作英彥視

江漢而胥宇遭劉后之側席聿疇咨於草莽若游魚之在

有集作水尚三顧而後語其始也亦將稜威漢沔用武荆楚

俟時觀爨終然義舉然後包并集作并包河洛盪滌陳汝迎帝

配天不失厥序既中流之顛覆故宏筭而垂集作遂阻信雲

長之寡謀亦天命之弗與猶復廓邛峨之險奮寶濶之旅

鋪敘隴岷震懾集作壘關輔致中原於旰食振衰集作炎漢之

文苑英華卷之八十五

遺緒泚泚乎俾千祀而景慕宜其易名於忠武不其備歟  
方其躬耕漢渚獨詠梁甫輕夫管樂莫之云許伊唱高而  
和寡亦惆悵於前古道不同不相爲謀斯之謂矣荆雲兮  
蔽虧朔鴈兮差池雲有迴兮鴈有歸嗟予行兮愴遲遲諒  
窮愁兮莫諉雖九醞兮奚施

輕夫集作此

汝州薛家竹亭賦

王冷然

梁疑作汝穎多士聞來久矣出伊洛以南遊登嵩峴以碩視  
信乎精華實息恢恠森起惟萬戶與千門咸帶山而傍水  
畿甸殷壯閭閻密邇當天象之西郊近皇居之百里其人  
和而賢俊其地厚而淳美則吾先文王行化之始烈祖成  
王定鼎於此宜其蕃我良能誕生君子世序雖遠英靈不

窮其氣渾渾其光雄雄橫古今而特秀者惟我薛公卜幽

棲於汝北夷

疑

舊業於河東夫其禮樂成器清明在躬官

非

一作百官

稱才吾不謂之仕官人非克已吾不謂之交通處

未全隱和而莫同且欲墀岬岬苑蒙籠閑亭一所修竹一

叢蕭然物外樂自其中其竹也初栽尚少未長仍小雜以

喬木環爲曲沼遵遠水以澆浸編長欄而護遶向日森森

當風孌孌勁節迷其寒燠繁枝失其昏曉踈莖歷歷傍見

人交葉重重上聞鳥其亭也溪左巖右川空地平材非難

得功則易成一門四柱石礎松櫺泥舍椒氣瓦覆苔青纔

容小榻更設短屏後陳酒器前開藥經薛公謂予曰自造

此亭未有茲客跪而應曰自從爲客未見此亭旣而物且



遍好多能所造亭間坐卧清戶開而向林門下往來翠陰  
合而無草禁行路使勿伐命家僮使數掃遊子見而忘歸  
君人對而遺老余何爲者累載棲遑學應成癖走則非狂  
宇宙至寬顧立錐而無地公卿未識久彈鋏而辭鄉一見  
竹亭之美竟嗟嘆而成章

出門賦

歐陽詹

出門辭家今人有志而思一作斯逞予紛然以遠遊別天性  
之至慈去人情之好仇儼訓誡予以勿久指蒲柳以傷秋  
弱室咨予以過歸目女蘿而起愁心眷眷以纏綿淚浪浪  
而共流愴懷安以敗名曾何可以少留於是驅忠信以爲  
車執藝業以爲贄越三江踰五嶺望堯旌以求試庶以程

功取爵建德揚名獲其旨以報勤光畫錦以迴衡如弧斯

張如鳥斯征射百步而期中非一作飛三年而不鳴一作必鳴颺

颺天寒崢嶸歲晚鵠聯翩而一作以不定蓬悠揚而自轉逮

前程之尚遙顧所離而日遠事紛拏以爭校一作拔情交戾

而不和退藩籬則弱羽戀於雲路激龍門則纖鱗限乎尺

波身遠日日之晨昏懷戀戀而莫遣親益年年之羸老思

搖搖而若何斂靈輒於困窮舉冀缺於壠畝一仁聲之求

大一孝德之茲久伊錫類以極窮豈今無而昔有爾乃循

否泰而俟命點一作默風塵以食一作怡艱苟疏溟而納流願

覆篲以成山路實多岐絲無定色任玄黃之濡染信疆理

之南北管因媒而解縛越自遇而升車虞先榮而後悴美

一作始卷而終舒傷哉數子之稅駕吳未知其所如

將歸賦

前人

憶求名于薄藝曾十稔以別離纔還鄉以一作半齡又三

年于路岐紅顏始一作長白日如馳苒苒皆盡悠悠為誰

親有父母情有閨闈一作居唯一作苦饑行加相思加相

思兮寧苦饑辭家千里兮欲心一作與偕歸南陔一作之蘭

北一作山之薇一芳一非何是何非歸去來兮秋露霑衣

九一作皆集本

泛渭賦

并序

白居易

右丞相高公之掌貢舉也予以鄉貢進士舉及第左丞相

鄭公之領選部也予以書判拔萃選登科十九年

天子竝命二公對掌鈞軸朝野無事人物甚安明年春予

為校書郎始徙家於一無秦中卜居於渭上上樂時和歲

稔萬物得其宜下樂名遂官閑一身得其所既美二公佐

清淨一作之理又荷二公垂特達之遇一作發於嗟嘆流

為詠歌于時泛舟于渭因作為一作泛渭賦以導其意詞曰

亭亭華山下有人歧今望今愛彼三峯之白雲泛泛渭水

上有舟沿今沂今愛此一作百里之清流以我為太平之

人今得於斯而優遊又感傷春之氣熙熙今樂天和而不

憂曰予生之幸一作今時哉時哉當皇唐受命之九葉今

夷與華而無氛埃及皇帝纘位之二紀今命高與鄭為鹽

梅二賢兮爰立四門兮大開允讀儒書與履儒行者率克

賦而西一作來雖片藝而必收兮故不棄予之小才感再

遇於知己心慙作以徘徊登予名於太常兮此字無署予職

於蘭臺臺有蘭兮閣有芸芸芳菲一作芳菲兮其可襲備一

官而無事又不維而不繫家去省兮百里每三旬而兩一作

一入川有渭兮山有華澹悠悠兮此字無其可賞目白雲兮

漱清流且一作或偃而或仰門去渭兮百步長一日而三

往夜分兮扣舷天無雲兮水無煙遲遲兮明月波灩澹一作

灩澹兮棹寅緣日暮兮舟泊草萋萋兮沙漠漠習習兮春風

岸柳動兮渚花落發浩嘆一作以長引舉濁醪而緩酌春

冉冉其將盡予何為乎不樂鳥樂兮雲際鳴嚶嚶兮飛裔

裔魚樂兮泉底鬢撥撥兮尾泚泚我樂兮聖代心融融兮

神泄泄伊萬物各得其樂者由賢聖之相契賢致聖於無

為聖致賢於既濟凝為和兮聚五福發為春兮銷六沴不

我後兮不我先適當我今生之世彼鱗蟲兮與羽族咸和

樂而不知惠我為人兮最靈所以愧賢相而荷聖帝樂乎

樂乎浴一作于渭兮詠而歸聊逍遙以卒歲

洛川晴望賦以願拾青紫為韻

金商應律玉斗西建嘉加旬雨之時晴叶秋成而適願是用

步閭里詢黎獻皇風演溢歌且聽於昇平聖澤汪洋誦不

聞於宵怨爾乃命親懿會朋執賦却山眺洛邑天沈寥而

雲靜氣肅殺而風急三川浩浩以奔流雙闕峨峨而屹立

飛梁徑度訝殘虹之未銷翠瓦光凝驚宿雨之猶濕化嘉

三時之是務觀五穀之斯入覽滌場之在勤知滯穗之見  
拾及夫日色黯黯寒光熒熒遠冰澄碧群山結青山水隱  
映花氣一作氣氤冥宵瞻上陽之宮闕兮勝仙家之福庭望  
中嶽之林嶺兮似天台之翠屏宜其廻鑿輿兮檢玉牒朝  
千官兮御百靈使西賓之誇少弭東人之思攸寧不亦盛  
哉客有感陽舒詠樂只揮毫翰獨徙倚願得採於芻蕘終  
期拾乎青紫

登吳嶽賦

以崇巒險固未  
鎮西疆作韻

周鍼

吾嘗文戰將北羈遊極西覩吳嶽之孤峭計群山之莫齊  
由是邈崖谷遂攀躋入雲靄出塵泥既臻頂上用疑作視  
天倪鴈塞殊小峨眉甚低蓋以氣壯神扶雄標國祚掛白

帝今不見抱皇城而自固嵐光擁翠拓開霄漢之心岫色  
橫空鎖斷戎夷之路嵒嶂旁竦岩堯上干碧草春含清風  
夏寒遙瞻魏闕迥立煙巒疑超洞府謂在天壇中隱深溪  
日月之光不到外連層阜龍蛇之勢斯蟠當其區宇正寧  
氛埃初見覽造化之宏制識乾坤之設險汧水縈盈而綠  
走隴山峯崦而螺掩西窺劔閣霜地表之千鐔東瞰蓬萊  
黛波間之數點遐徵衆嶽式竝隆崇彼皆受封於百代此  
獨不視於三公森筍立以削成寧慙太華黯雲凝而化出  
豈讓維嵩况乎萬仞凌虛千里倒影虎踞華裔鯨吞虜境  
疊巘攢壁廻巖列屏捍絕域以增隘固中原之甚未直使  
以禮賓九有仁服八荒臂一作臂賢以爲輔弼宅道以作封

疆亦須假我嚴衛憑我巨防靜藩垣於都邑遠隔闕於氏  
羗吾唐重其功業疑作崇其鎮爰升成德之號用補極天之  
峻小儒是以竟日興感抽毫賦韻登詠畢今嶽岑指長安  
而後進

過驪山賦

以陵摧國歿  
未紀窮塵為韻

徐寅

六國血于秦秦皇還化塵塵警而為楚為漢路在而今人  
古人但見愁雲黯慘疊嶂嶙峋時遷而金石非固地改而  
荆榛旋新愚聞周衰則避僭登臺秦暴則焚書建國貴螻  
蟻於人命法豺狼於帝德兩曜昏翳九圍傾側扶桑幾里  
我鞭石以期通溟海幾重我驅山而要塞慘慘玄宰嗷嗷  
七雄三農百穀以休務淬鐵磨金而獻功九州病萬室空

輔趙魏以文

疑

滅楚燕齊而坐窮家有子兮誰得孝國有

臣兮爭敢忠九野分將焉作兆民之主諸侯吞盡方行天  
子之風星隕九霄城長萬里血染草木肉肥蛇豕將欲手  
挂天刃足挑地紀拙虞舜而短唐堯汚殷辛而長夏癸禍  
從疑殃催川搖嶽摧金陵之王氣類起蓬島之宮娥不來  
黔首求主蒼旻降災王疑漢之龍髯倏斷沙丘之鮑臭誰  
猜魑魅諸夏腥羶九垓於是宅彼岡巒兆斯陵闕猶驅六  
宮以殉堊豈言蔓草之縈骨嫌示儉於當時更窮奢於既  
歿融銀液雪䟽下地之江河帖玉懸珠皎窮泉之日月蹀  
蹀層層不騫不崩斯高之喉舌方滑劉頃之雲雷忽一作化  
興軹道一朝壘獻漢家之主驪山三月火燒秦帝之陵今

則草接平原煙蒙翠嶺想秦史以神竦弔秦陵而恨未華  
清宮觀鑠雲霓作皇唐之勝景

此卷校正三十七字 初九日汴州志

文苑英華卷第一百二十八 終

文苑英華卷第一百二十九

賦一百二十九

哀傷一

愍時賦一首

哀江南賦一首

傷心賦一首

愍時賦 并序

梁宣帝

于謹平梁之後闔城長幼被虜入關又失襄陽故地乃曰  
恨不用尹德毅言以致於是又見邑居殘毀干戈日尋耻  
威略不振常懷憤懣乃著愍時賦以見其意詞曰

嗟余命之殊薄實賦運之逢屯既殷憂而彌歲亦坎壈而  
相隣晝營營而至晚夜耿耿而通晨望否極而反泰何杳  
杳而無津悲晉璽之遷趙痛漢鼎之移新無田范之明略

愧夷齊之得仁遂胡顏而苟免謂小屈而或伸豈妖泯之  
無已何國步之長淪恨少生而怯弱本無志於瓜牙謝兩  
章之雄勇愆二策之英華豈三石於鄠杜異五馬於瑯琊  
直受性而好善類蓬生之在麻冀無咎而霑慶庶保靜而  
蠲邪何昊穹之不惠值上帝之紆奢神州鞠為茂草赤縣  
遶於長蛇徒仰天而太息空撫襟而咨嗟伊古人之有懷  
尚或感於知己况華萼聯於宵極龍渥流於無已或小善而  
必褒時片言而見美昔待罪於禹州歷三考而見紀一作無  
獲免戾於明時遂超隆於宗子始解印於稽山即驅傳於  
襄水彼南陽之舊國實天漢之嘉祉旣川嶽之形勢復龍  
躍之基址此首賞之謬及謂維城之足恃值諸侯之携貳

遂留滯於楚川等勾踐之絕望同重耳之終焉望南枝而  
灑泣或東顧而潺湲歸歎之情何極首丘之思邈然忽值  
魏師入討于彼南荆旣兵車之赫赫俄一鼓而陵城同寤  
生之舍許等小白之全邢伊杜稷之不泯實有感於生靈  
伊吾人之固陋本漂泊於流萍忽沉滯於茲土復歲月而  
無成昔千乘之畿甸今七里而盤營寡田邑而可賦闕丘  
井而求兵無河內之資峙同滎陽之未平夜騷騷而擊柝  
晝孑孑而揚旌烽連雲而廻照馬伏櫪而悲鳴旣有懷於  
斯日亦焉得而云寧彼雲夢之舊都乃標竒於昔者驗往  
記以瞻今何名高而事寡寂寥井邑荒涼原野徒揄揚於  
宋玉空嗟咨於司馬南方卑而歎屈長沙濕而悲賈余國

家之俟匡庶興周而祀夏忽縈憂於此屈豈年華之天假  
加以狗盜鼠竊蜂蠆狐狸群圍隸而爲寇聚戒獲而成師  
窺臨津渚跋扈江湄屢征肇於殷歲頻戰起於軒時有扈  
興於夏典采芑善於周詩方叔振於蠻貊伯禽捷於淮夷  
在逋穢其能幾會斬馘而舉旗彼積惡之必稔豈天靈之  
可欺交川路之云擁疑理惆悵而未怡

哀江南賦并序

庾信

粵以戊辰之年建亥之月大盜移國金陵瓦解余乃竄身  
荒谷公私塗炭華陽奔命有去無歸中興道銷窮于甲戌  
三日哭于都亭三年囚於別館天道周星物極不反傳變  
之但悲身世無處求生袁安之每念王室自然流涕昔桓

二字類聚  
作狼狽

君山之志士杜元凱之平生竝有著書咸能自序潘岳之  
文彩始述家風陸機之詞賦先陳世德信年始二毛即逢  
喪亂狼狽流離至於暮齒燕歌類聚作河遠別悲不自勝楚老  
相逢泣將何及畏南山之雨忽踐秦庭讓東海之濱遂冷  
周粟下亭漂泊高橋羈旅楚歌非取樂之方魯酒無忘憂  
之用追爲此賦聊以記言不無危苦之詞唯以悲哀爲主  
日暮塗遠人間何世將軍一去大樹飄零壯士不還寒風  
蕭瑟荆壁睨柱受連城而見欺載書橫階捧珠盤而不定  
鍾儀君子入就南冠之囚季孫行人留守西河之館申包  
胥之頓地碎之以首蔡威公之淚盡加之以血釣臺移柳  
非玉關之可望華亭鶴唳非河橋之可聞孫策以天下爲



三分衆纔一旅項籍用江東之子弟人唯八千遂乃分裂  
山河宰割天下豈有百萬義師一朝卷甲芟夷斬伐如草  
木焉江淮無涯岸之阻亭壁無藩籬之固頭會箕歛者合  
從締交鋤耨棘矜者因利乘便將非江表王氣終于三百  
年乎是知併吞六合不免軼道之災混一車書無救平陽  
之禍嗚呼山嶽崩頽旣履危亡之運春秋迭代必有去故  
之悲天意人事可以悽愴傷心者矣况復舟楫路窮星漢  
非乘槎可上風颺道阻蓬萊無可到之期窮者欲達其言  
勞者須歌其事陸士衡聞而撫掌是所甘心張平子見而  
陋之固其宜矣

稟嵩華之玉石潤河洛之波瀾居負洛而重世邑臨河而  
晏安建永嘉之艱虞始中原之泛主民枕倚於墻壁路交  
橫於豺虎值五馬之南奔逢三星之東聚彼凌江而建國  
始播遷於吾祖分南陽而賜田裂東嶽而胙土誅茅宋王  
之宅穿徑臨江之府水木交運山川崩竭家有直道人多  
全節訓子見於純深事君彰於義烈新野有生祠之廟河  
南有胡書之碣况乃少微真人天山逸民階庭空谷門巷  
蒲輪移談講樹就簡書筠降生世德載誕貞臣文詞高于  
甲觀模楷盛於漳濱嗟有道而無鳳歎非時而有麟旣奸  
回之音備壘匿終不悅於仁人王子洛濱之歲蘭成射策之  
年始含香於建禮仍矯翼於崇賢遊滄雷之講肆齒明離

之宵筵既傾蠡而酌海遂測管而窺天方塘水白釣渚池  
圓侍戎韜於武帳聽雅曲於文絃乃解懸而通籍遂崇文  
而會武君笠韞左傳宣四年射貫笠韞而掌兵出蘭池而典午論兵

於江漢之君拭王於西河之主于時朝野歡娛池臺鍾鼓

里為冠蓋門城城鄒魯連茂苑於海陵跨橫塘於江浦東門

則鞭石成橋南極則鑄銅為柱橘則園植萬株竹則家封

千戶西賚浮玉南琛沒羽吳歛越吟荆艷楚舞草木之遇

陽春魚龍之逢風雨五十年中江表無事王歛為和親之

侯班超為定遠之使馬武無預於甲兵馮唐不論於將帥

豈知山嶽闇然江湖潛沸漁陽有閭左戍卒一作兵離石有

將兵都尉天子方剛詩書定禮樂設重雲之講開士林之

學談劫燼之灰飛辯常星之夜落地平魚齒城危獸角卧

刀斗於縈陽絆龍媒於平樂宰衡以干戈為兒戲縉紳以

清談為廟略乘漬一作海水以膠船馭奔駒一作車以朽索小人則

將及水火君子則方成猿鶴弊筭不能救鹽池之鹹阿膠

不能止黃河之濁既而魴魚頽尾四郊多壘殿狎江鷗宮

鳴野雉湛廬去國餘艫失水見被髮於伊川知百年而為

戎矣彼姦逆之熾盛久遊魂而放命大則有鯨有鯢小則

為梟為獍負其牛羊之力凶其水草之性非王燭之能調

豈璿璣之可正值天下之無為尚有欲於羈縻飲其琉璃

之酒賞其虎豹之皮見胡桐於大夏識鳥郊於條枝豺牙

密厲虺毒潛吹輕九鼎而欲問聞三川而遂窺始則王子

密厲虺毒潛吹輕九鼎而欲問聞三川而遂窺始則王子

韓作

一作

戰國策卷之鷹  
如手於版上  
二字類聚  
作遂觀

召戎姦臣介冑既官政而離邊遂師言而泄漏望廷尉之  
逋囚反淮南之窮寇出狄泉之蒼鳥起橫江之困獸地則  
石鼓鳴山天則金精動宿北闕龍吟東陵麟闢爾乃桀黠  
構扇憑陵畿甸擁狼望於黃圖填廬山於赤縣青袍如草  
白馬如練天子履端廢朝單于長圍高宴兩觀當戟千門  
受箭白虹貫日蒼鷹擊殿竟遭夏臺之禍終視堯城之變  
官守無奔問之人干戚非平戎之戰陶侃空爭米船顧榮  
虛搖羽扇將軍死綏路絕長圍烽隨星落書逐鳶飛乃韓  
分趙裂鼓卧旗拆失群班馬迷輪亂轍猛士嬰城謀臣卷  
舌昆陽之戰象走林常山之陣蚩奔穴五郡則兄弟相悲  
三州則父子離別護軍慷慨忠能死節二世為將終於此

滅濟陽忠壯身參末將兄弟三人義聲俱唱主辱臣死名  
存身喪敵人歸元三軍悽愴尚書多筭守備是長雲梯可  
拒地道能防有齊將之閉壁無燕師之卧墻大事去矣人  
之云亡甲子奮發勇氣咆勃實總元戎身先士卒胃落魚  
門兵填馬窟屢犯通中頻遭刮骨功業天在身名埋沒或  
以隼翼鷄披虎威狐假沾漬鋒鏑脂膏原野兵弱虜強城  
孤氣寡聞鶴唳而虛驚聽胡笳而淚下據神亭而亡戟臨  
橫江而棄馬崩於鉅鹿之沙碎於長平之瓦於是桂林顛  
覆長洲麋鹿潰潰沸騰茫茫塏黷參楚錦切出功臣天地  
離阻人神慘酷晉鄭靡依魯衛不睦競動天關爭迴地軸  
探雀殼而未飽待熊蹯而詎熟乃有車側郭門筋懸廟屋

七六

鬼同曹社之謀人有秦庭之哭爾乃假刻璽於關塞稱使者之酌對逢鄂坂之譏媼值彤門之征稅乘白馬而不前策青驪而轉礙吹落葉之扁舟飄長風於上游彼鋸牙而鈎爪又巡江而習流排青龍之戰艦闢飛鷲之船樓張遼臨於赤壁王濬下於巴丘乍風驚而射火或箭重而沉舟未辨聲於黃蓋以先沉於杜侯落帆黃鶴之浦藏船鸚鵡之洲路已分於湘漢星猶看於斗牛若乃陰陵路絕一作釣臺斜趣望赤岸而沾衣艤烏江而不渡雷池柵浦鵠陵焚戍旅舍無煙巢禽無樹謂荆衡之杞梓庶江漢之可恃淮海維揚三千餘里過漂渚而寄食託蘆中而渡水吳越春秋伍子屈于七澤濱于十死嗟天保之未定見殷憂之方始

本不達於危行又無情於祿仕謬掌衛於中軍悞一作尸

承於御史信生世等於龍門辭親同於河洛奉立身之遺

訓受成書之顧託昔三世而無慙今七葉而方落泣風雨

於梁山惟枯魚之銜索入一作欹斜之小徑掩蓬藿之荒

扉就汀洲之杜若待蘆葦之單衣于時西霸楚王劍及繁

陽麾兵金匱校戰王堂蒼鷹赤雀鐵舳牙檣沉白馬而誓

衆負黃龍而渡江海潮迎艦江萍送王戎車屯于石城戈

船掩于淮泗諸侯則鄭伯前驅盟主則荀瑩暮至剖巢燠

穴奔魍走魅埋長狄於駒門斬蚩尤於中冀然腹為燈飲

頭為器直虹貫壘長星屬地昔之虎據龍盤加以黃旗紫

氣莫不隨孤兔而窟穴與風塵而殄悴西瞻博望北臨玄

圃月榭風臺池平樹古倚弓於玉女窻扉繫馬於鳳皇樓  
柱仁壽之鏡徒懸茂陵之書空聚若夫立德立言謨明寅  
亮聲超於繫表道高於河上更不遇於浮丘遂無言於師  
曠以愛子而托人知西陵而誰望非無北闕之兵猶有靈  
臺之仗司徒之表裏經綸孤偃之惟王實勤橫凋戈而對  
霸主執金鞭一作鼓而問賊臣平吳之功壯於杜元凱王室  
是賴深於温太真始則地名全節終則山稱在人南陽一作  
南校書去之已遠上蔡逐獵知之何晚鎮北之負譽矜前  
風颼凜然水神遭箭山靈見鞭是以執能傷馬浮蛟沒鳶  
才子併命俱非百年中宗之夷凶靜亂大靈寃耻去代邸  
而承基遷唐郊而纂祀反舊章於司隸歸餘風於正始沉

猜則方逞其欲藏疾則自矜於已天下之事沒焉諸侯之

心搖矣既而齊交北絕秦患西起况背闕類聚一作而懷一作

楚異端委而開吳驅綠林之散卒拒驪山之叛徒營軍梁

澆蒐乘巴渝問諸淫昏之鬼求諸厭劾一作之巫荆門遭

廩延之戮夏口濫遠泉之誅箴因親以致愛忍和樂於變

弧既無謀於肉食非所望於論都未深思於五難先自擅

於三一作端登陽城而避險卧砥柱而求安既言多於忌

刻實志勇而刑殘但坐觀於時變本無情於急難地惟黑

子城猶彈丸其怨則黷其盟則寒豈冤禽之能塞海非愚

叟之可移山况以沴氣朝浮妖精夜殞赤鳥則三朝夾日

蒼雲則七重圍軫亡吳之歲既窮入郢之年斯盡周舍鄭

怒楚結秦寃有南風之不競值西隣之責言俄而梯衝亂  
舞冀馬雲屯棧秦車於暢轂杳漢鼓於雷門下陳倉而連  
弩渡臨晉而橫船雖復楚有七澤人稱三戶箭不麗於六  
麋雷無驚於九虎辭洞庭兮落木去涇陽兮極浦燧火兮  
焚旗貞風兮害蠱乃使玉軸揚灰龍文析柱下江餘城長  
林故管徒思掛馬之秣公羊傳圖掛未見燒牛之兵章慢  
支二字類聚以轂走宮之奇以族行河無冰而馬渡關未  
曉而鷄鳴忠臣解骨君子吞聲音華望祭之所雲夢偽遊  
之地荒谷縊於莫敖冶父囚於群帥劓笄拉鷹鷲批攢  
寃霜夏零憤泉秋沸城崩杞婦之哭竹染湘妃之泪水毒  
秦涇山高趙陁十里五里長亭短亭饑隨蟄驚暗逐流螢

秦中水黑關上泥青于時瓦解冰泮風飛電散渾然千里  
淄澠一亂雪暗如沙冰橫似岸逢赴洛之陸機見離家之  
王粲莫不聞隴水而掩泣向關山而長嘆况復君在交河  
妾在清波石望夫而逾遠山望子而逾多才人之憶代郡  
公子之去清河一作相陽亭有離別之賦臨江王有愁思  
之歌別有飄飄武威羈旅金微班超生而望返温序死而  
思歸李陵之雙鳧未去蘇武之一鴈空飛若江陵之中否  
乃金陵之始禍雖借人之外力實蕭牆之內起撥亂之主  
忽焉中興之宗不祀伯兮叔兮同見戮於猶子荆山鵲飛  
而玉碎隨岸虵生而珠死鬼火亂於平林魂遊於新市  
梁故豐徒楚實秦亡不有所廢其何以昌有媯之後將育

於姜輸我神器居爲讓王天地之大德曰生聖人之大寶  
曰位用無賴之子弟舉江東而全棄借天下之一家遭東  
南之反氣以鶉首而賜秦天何爲而此醉且夫天道迴旋  
生民預焉余烈祖於西晉始流播於東川泊余身而七葉  
又遭時而北遷提挈老幼關河累年死生契濶不可問天  
况復零落將盡靈光巋然日窮于紀歲將復始逼切危慮  
端憂暮齒踐長樂之神臯望宣平之貴里渭水貫於天門  
驪山迴於地一作平非市幕府大將軍之愛客丞相平津侯之  
待士見鍾鼎於金張聞絃歌於許史豈知灞陵夜獵猶是  
故時將軍咸陽布衣非獨思歸王子

傷心賦

并序

前人

余五福無徵三靈有譴至于繼體多從天拆二男一女竝  
得勝衣金陵喪亂相守亡歿羈旅關河倏然白首苗而不  
秀頻有所悲一女成人一作長外孫孩稚奄然玄壤何痛  
如之旣傷即事追悼前亡唯覺傷心遂以傷心爲賦若夫  
入室生光非復企及夾河爲郡前途逾遠婕妤有自傷之  
賦楊雄有哀祭之文王正長有北郭之悲謝安石有東山  
之恨豈期然矣至若曹子建王仲宣傳長虞應德璉劒韜  
之母任延之親書翰傷切文詞哀痛千悲萬恨何可勝言  
龍門之桐其枝已折卷施之草其心實傷嗚呼哀哉  
賦曰悲哉秋氣搖落變衰魂兮遠矣何去何依望思無望  
歸來不歸未達東門之意空懼西河之譏在昔今陵天下

喪亂王室板一作蕩生民塗炭兄弟則五郡分張父子則

三州離散地昇沸於袁曹人豺狼於楚漢或有擁樹罹災

藏衣遭難未設桑弧先空柩館人惟一丘亭遂千秋邊韶

永恨孫楚長愁張武壯之心疾羊南城之淚流痛斯傳體

尋茲世載類聚作戴天道斯慈人倫此愛膝下龍摧掌中珠碎

芝在室而先枯蘭生庭而蚤刈命之修短哀哉已蒲鶴聲

孤疑絕猿吟腸斷羸傳之間路似新安藤緘轉積掩虞

棺不封不樹惟棘惟藥天慘慘而無色雲蒼蒼而正寒况

乃流寓秦川飄飄播遷從官非官歸田不田對王關而羈

旅坐長河而暮年已觸目於萬恨更傷心於九泉至如三

虎二龍三珠兩鳳竝有山澤之靈各入熊羆之夢望隴首

而不歸出都門而長送對寶盃而痛心撫玄經而流慟石

華空服犀角虛筴風無少女草不宜男烏毛徒覆獸乳空

含震為長男之宮異為長女之位在我生年先凋此地人

生幾何百憂俱至二王奉佛二郗奉道必至有期何能相

保淒其零零疑颺焉秋草去矣黎民哀哉仲仁冀羊枯之

前識期張衡之後身一朝風燭萬古埃塵丘陵兮何忍能

留兮幾人

此卷校正八十七字 初九日



哀江南賦 志士一作志事 高橋一作鼻橋 鶴唳一作唳鶴 悲河一作豈河

始播一作此播 測管一作側管 拭玉一作拭圭 遇陽一作得陽 百年一作其時 聞

三川一作三川 出狄一作飛狄 陶侃空爭一作陶侃 顧榮虛搖一作則空裝

一作顧榮 甲子一作申子 慘酷一作怨酷 爾乃一作余乃 刻璽一作刻蜜 以

先一作先 無樹一作失樹 麾兵一作塵兵 更不一作既不 孤偃之惟王

實勤七字一作惟王實勤 終則一作終以 沒鳶一作沒雁 夏口一作夏首 以教一作

於而刑一作於刑 地惟一作地為 折桂一作斫桂 慢支一作曼支 魂遊一作魂驚

生民預焉一作生民 賴焉一作賴焉 一作皆周書本傳

右補校記凡二百二十八字

三月十日補錄

文苑英華卷第一百二十九 終

文苑英華卷第一百三十 賦一百三十

哀傷二

弔軹道賦一首 登臨河城賦一首

驪山傷古賦一首 過舊園賦一首

傷往賦一首 山陽城賦一首

三良塚賦一首 項王亭賦一首

弔軹道賦并序 王昌齡

軹道秦故亭名也今在京師東北十五里署於路曰秦王

子嬰降漢高祖之地豈不傷哉余披榛往而訪之則莽蒼

如也夫如集作 戰國之弊天下創夷又困於秦使無所訴

罪在于政而戮乎嬰嗚呼殺降不祥項氏之不仁也遂作

賦以弔云

長林之墟荒草無垠躊躇訪古隱嶙如存耆老曰此秦之

軹亭也莫不隕泣而傷魂我聞中原版蕩歷數更造來為

都邑去為郊道化育人寰盛德攸保其集作如有隨覆車之

遺跡躡咸陽以崩倒陳炯戒而罔懷終滅裂以蕩掃今者

行旅有悲涼之色將未識聖人之大寶聽之取之哉哉不義而一作

非強其弊必速徒以金城千里介集作鐵馬萬軸九國既夷

上慢下黷東遊莫返白帝先哭是以沙丘閔禍制出趙氏

扶蘇賜死大事去矣海內洶焉雷駭颺起自非集作昔踪先

王而隳道德亦無能而及此五星夜聚漢瑞秦亡白馬素

車降於道傍非子嬰之罪也而殺身於項王悲夫以暴易

亂莫知其極且聞追懷集作師而霸楚無乃弛義而爭國東

城引劍亦其宜哉至於集作如后稷貽周三聖九賢合於集作

化成康千有餘年猶復慎終如始爰作顧命宣文武之重

光訓艱難於執政乃尸天主王遂誥諸侯高奭內軸齊魯外

軸此周之所以盤石相維數革龜謀孰與夫離擯子弟其

心賊臣身死國滅如火燎薪設使雍州為輿伊傅為輪當

朽索之不馭豈龍虎之能馴不其然乎賈生聞之於是讓

東陵故侯曰昔王子有殷墟之歌大夫有周廟之作子秦

人也豈無情哉集作夫豈無情邵平乃太息久之且為歌曰道不

虛行兮史鮒沒位吾寧范伯之徒歟感夷齊而多愧麟鳳

遠去龍則死之河水洋洋兮先師莫歸往者不可諫來者

吾誰欺始退身以進道曷颺言而受非彼蕭相國知予乎  
布衣

登臨河城賦并序

蕭穎士

亡舅孝廉元君才高位下一命屈臨河尉尋遭風瘵集作瘵

有加無瘳憂悒迄逾一紀故不復仕而風標俊傑文史清

雋一作藻則君所著別傳詳矣舅於予有教授集作導之恩隻

詞片字皆資訓誘既而射策桂林校書芸閣首為知己名

稱二句字集作道為知舅氏之力也天寶元年秋八月奉

使求遺書於人間越來月屆于臨河集作河干之舊邑覽物增

懷泫然有賦羊曇是日獨吟零落之篇周翼終身寧亡吐

哺之愛詞曰

登孤城兮見河水之漫漫城有隍兮水有澗歛翻覆兮無

端俯崇墉兮心集作辛酸心斷絕兮河水之干借如韓伯見殷

傳懷恩羊曇念昔追北渚之曩錢歎西剡之忽覲曾一顧

而不忘集作曾一顧况仁深與密戚也惟佩鱗之弱歲荷

哲舅之矜憐在月旦之殊品超等夷而獨偏一作賢過雖小

而必誠善無微而不悛一作集作備潤身之黼藻聞染集作灑

翰之蹄筌豈期文嗣作者價叅時賢謬崑墟而比玉濫蓬

島而懷鉛匪舅德其焉爾諒師資乎在焉痛才高而位下

悲道悠而運促甫一命於茲集作河城蹇無媒兮窘束僚層

飈而墜羽凌末路而傾軸悼晉豎之行深哀秦良之莫贖

昔自公而暇豫陪作賦於茲樓懷一紀以如昨愴今晨而

之集作獨遊俯蕭條之邑里對零落之徂秋舊館悽其在目  
長川逝而不留徒臨風而揮涕孰知夫四望可以銷憂者  
也集作而可  
銷憂者哉

驪山傷古賦

郝昂

天生蒸民而樹之君夫為國者當建宗社廣敷聲教尊其  
威靈儼其容貌其惠也遠浹其仁也普悼言靜而可以底  
綏言動而無所屈撓令四海惟精惟一俾萬人是則是効  
安有臨伐木而棄其斧將涉水而投其棹童子猶知其不  
可况天下之龍豹初虎視八荒鯨吞六國攻必取戰必尅  
所往而梟一作其渠師所敵而斷其衝勒起翦之功逞蘇  
張之詐塞招星紀之南伐天街之北賞尉繚以為忠讜誅

文信以為殘賊將大寶而康寧謂神仙之可得一何壯哉  
及其浮江沉璧登山紀石徵茅蒙為却粒之符遣徐市為  
求真之客殫人力為馳道鑄兵刃為金狄方欲肆其暴露  
方欲窮其轍迹鬱興閭左之徃大起阿房之役亦所以坑  
其儒士亦所以燎其經籍聞祖龍而匪寤逢巨魚而必射  
不知望夷之兆未覩沙丘之厄又何謬歟天降圖錄言勦  
其辜惡貫已盈禍胎必膺載鮑之氣俄徹夢神之應聿徂  
意靡察於妖伏子尚勞師以備胡人且愍於蒙將我獨憐此  
扶蘇廢至尊之不烈任姦邪之逆謀不必將欲稱始帝而  
歷萬代卒宗滅而身屠王祿盡矣誰定其危天之所壞人  
不能支既同信於望夷安肯從於悖一作斯生且替其遺

命死徒華其葬為鳴乎驪山之隧其庸幾年上周五里劉

傳始皇墳下錮三泉罄珠璣之布護盡金石之雕鐫匠人

勞而不償反生理於鬼垣狐兔穴而塵積牧豎焚而火連

嗟拔山之壯氣成拱木之寒煙享祀輟矣疇相恤焉百二

之襟帶莫守數仞之丘墳巍然何德之衰絕伯翳之餘業

何力之競為劉炎之着鞭枝葉將落本必先顛若折巢覆

胡能邠全是知不有廢也後王安得而處旃

過舊園賦并序

梁肅

余行年八十歲當上元辛丑盜入洛陽三河間大塗炭因

竄身東下旅於吳越轉徙阨難之中者垂二十年前位

歲應詔詣京師其一作年夏除東宮校書郎遂請告歸觀

于江南八月過嶠澗次于新安東南十數里舊居在焉時

歲滋遠荆榛蕪翳喬木蒼然三徑莫辨訪隣老而已盡丐

庭柯以霑衣情之所鍾可勝歎耶夫懷舊之志在昔所不

免聖如尼父達若莊叟且有歸歟之歎悵然之思予蓬艾

存乎曾中喜懼形於一作膝下寓江海之遐阻念歸來而

不得思潘園板輿之樂陶野巾車之遊願言莫展一食三

歎至是當秋日蕭索征途浩渺棟宇摧落曾不得乎少留

心之憂傷又加於他日一等遂作賦紀事以過舊園命篇

其詞曰

白露既戒夫清秋爰駕言而東邁漫征路之悠悠且予發

乎新安歷函關之舊丘灌叢森以相屬披一徑而可求閭

里巷之罕人辨原田而莫由堂除既缺衡宇亦折樹蔽戶  
 而稍稍水衡隄而活活駭獸群起頽墉四達識舊井於庭  
 隅弔重蘿於木末既循省而顧慕愈辛酸而慘怛何纏迫  
 而求所安激予哀而不可遏也昔予生之三歲值勅虜之  
 衝奔徙穹廬於華縣蒙郊廟於氛昏皇遊蜀川帝出朔原  
 尸逐纒血烏丸又屯俄四逆之薦凶扇燹炭而藝黎元予  
 既幼捨此居業慮性命之所存始竄跡於許都又逃刃於  
 夷門沿汴水之湯湯棹淮波之翻翻荷聞詩之前訓迫馳  
 役而不敢言截澗河以徑度趣諸越而休止在長洲與蘭  
 陵亦一閨而三徙嫋嫋兮秋風湛湛兮春江傷吾心其何  
 已皇八葉之御極亦既安此寰中浮瓠續其來歸真獨鬱

發未通泊大曆之二七六龍忽其上升赫元聖之統天敷

太和於黎蒸建皇極以成化啓公車以選能予筮遇觀之

六四繇一作易云觀國之光利用賓于王聿投迹於雲羅謬試言於內殿俾

典校乎承華聆聖賢之休風仰墳籍之長圃與世道而遊

息實人倫之憲矩史正直以終始璩卷舒於嘿語展其黜

而不去莊頤神以遐舉諒修已之異宜各弘道而得所矧

微生之庸拙胡可嫚夫一作平出處耻江湖之漂蕩廢田里

於草莽苟將愜乎予思孰辨夫懷安之與懷土伊吾土之

所安迺陋狹而在斯實舊德之師儉庶後昆以易持高祖

王府記室宜春公洎曾王父侍御史府君已降三世居始

也桑柘接連疏菓芳滋彼茅軒與甕牖亦寒燠之攸宜荒

陸淵有田不過百畝開元中為大水所壞始徙於函關始

百歲而負員一作居魯未幾而亂離二十載而一來紛蕪穢  
 而莫治駐周覽而未已又旋指干江湄曾足追感於平生  
 孰不悲傷而涕洟抑聞夫仲長之園面流水而覽平原遭  
 世緒之溷濁竟初懷之罕存又聞夫郭泰之德不違親貞  
 不絕俗當尉羅之周布竟淳白而不辱何天宇之交泰蹇  
 予生之辱獨退無庇跡之所進靡代耕之祿慨捨此而不  
 留徒仰高於前躅日婉婉而命駕恨盤桓以出谷慮將歸  
 之或迷吾斯志夫喬木亂日所居而安易之序今歷聘懷  
 歸孔之慮兮粵予庸昧道莫著兮曩離舊邦紛世故兮林  
 井殘泥禽亦去兮墜廢居業怛而懼兮遲歸有時藻一作保  
 吾素乎疑作兮

凡一作皆集本

傷往賦并序

劉禹錫

一作

人之所以取貴於飛走者情也而誕者以遺情為智豈至  
 言耶予授室九年而鰥痛若人之天闕弗遂也作賦以傷  
 之冀夫覽者有以增伉儷之重云

歎獨處之悒悒一作邑兮憤伊人之我遺情可殺而猶毒境  
 當歡而覆一作復悲人或朝歎而暮息夫何越月而踰時太  
 極運乎三辰轉寒暑而下馳有歸於無兮盛復于衰猶昧  
 爽之必暮又安得而怨咨我今怨夫若人兮曾旭旦而潛  
 暉飄零日及日及木槿也晉成公綏潘尼有賦之萼倏忽蜉蝣之衣川走  
 下而不還露迎陽而易晞思已甚兮難絕見無期兮未思

我行其野農民桑者舉按來鱸亦在林下我觀于途裨販  
之夫同荷均挈荆釵布襦羽毛之蕃鱗介之微和鳴灌藜  
雙沫漣漪薨薨者一作伊 蠱蠢蠢伊豕遊空穴深兩兩相比

何動類之萬殊必雄雌而與俱物莫失儷以孤處我方踽  
踽而焉如我復虛室目淒涼兮心伊鬱心伊鬱兮將語誰  
坐匡床兮撫嬰兒何所丐沐兮何從仰飴襦袴在身兮昔

園差跌一作蹉鞶囊附臂兮餘馥歲蕤誠天性之潛感顧童心  
兮如疑曉然有難繼之慕漠然滅好弄之姿指遺往兮能  
認愬空帷兮欲歸我入寢宮痛人亡兮物改其容寶瑟僵

一作偃兮絃柱絕瑤臺傾兮鏡奩空寒爐委灰虛幌多風隙  
一作駟晨轉窓蟾夜通步搖昏兮網拈翡翠芳褥掩兮塵

化蛩蛩閔刀尺之餘澤見巾箱之故封翫服儼兮猶具  
華謝兮焉從想翩翩一作僊於是非求窳宰與冥蒙信奇術  
之可致嗟此生兮不逢徒注視以寂聽恍神疲而目窮還

抱影以獨出紛百哀而攻中系曰龍門風霜苦別鶴哀鳴  
夜銜羽吳江波浪深雌劒一去無遺音悲之來兮憤予心  
洵如行波存浸淫悵一作浩緣情而莫極思執禮以自箴

已焉哉冉冉生死悠悠古今乘彼一氣兮聚散相尋或鼓  
而興或罷而沉以無涯之情愛悼不駐之光陰諒自迷其  
有分徒終怨於匪悅彼蒙莊兮何人予一作子獨累歎而長吟

凡一作皆集本

山陽城賦 并序

前人



山陽故城遺趾數雉四百之運終於此墟裔孫作賦蓋閔漢也詞曰

我止行車賈涕于山陽之墟是何蒼莽與慘悴春陵之氣  
兮焉如暗昌運於四海辭至尊而伍匹夫有利器而倒持  
兮魯何芒刃之足舒懿王迹之聿基暨絕一作維之再敷  
邈汜陽與鄙上悅地變而龍攄痛人亡而事替終此地焉  
忽諸嗟乎積是為治積非成雲文景之欲處身以約播其  
德牙迄武乃獲桓靈之欲從心於昏藝其杖焰逮獻而焚  
彼伊周不世兮姦雄乘釁而騰振物象灌以易位彼虛號  
而陽尊終勢殫而事去胡竊揖讓以為文嗚呼維神器之  
至重兮如山之不騫使人得譬乎逐鹿因一作固健步者所

先諫人事之云耳孰云當塗之兆也自天亂曰一作久矣

莫可追升彼墟兮噫嘻獨一作獨遺武兮貽後王之元龜

三良塚賦并序

魯文六年秦伯任好卒以子車氏之三子奄息仲行鍼虎  
為殉皆秦之良也國人哀之為之賦黃鳥鳥君子曰秦穆之  
不為盟主也宜哉先王違世猶貽之法而况奪之善人乎  
是以知秦之不復東征也秋季月吾西遊汧渭出於岐雍  
之間於古道傍得三良塚心甚哀之涕泗者久之而去詞

曰

昨宿岐城曉涉渭東霜凌雪結飛沙亂蓬中野躊躇屈此  
古墟野人曰即車氏之塚方驅駕班如久而咤曰吾嘗讀

舊史矣古者秦氏大於穆公出師則寧東夏用賢則霸西  
 戎大邦服其禮小邦畏其雄謀已集戰亦武不能勤王不  
 為盟主者何居以滅天之良喪人之特百夫仰系一朝而  
 暗可哀也哉宛其三子遭時迍遭主已即世身皆靡全指  
 冥芒而為期撫昭世而坐捐方惴惴以臨穴且哀哀而號  
 天從有言於寒原莽蕩千里迴眺無垠一作垠上刺哀德下  
 傷幽魂挂駮壠樹脫劍山門撥野芳以為薦汲行潦而克  
 罇矧今情之猶悲諒古恨之潛吞死而不作吾誰與言代  
 事浩漭人壽爾天言念君子中心悄悄哀生人之長慟一作慟  
 勤赴未夕之莫曉歸去來今不可留且悲吟於黃鳥

項王亭賦

李德裕

一作

履歲孟夏余稅息

一作息

駕烏江晨登荒亭曠然遠覽因觀

太尉清河公刻石美項氏之材歎其屈於天命且曰漢祖  
 困阨之時生計非蕭張所出余以為不然矣自古聰明神  
 武之主未嘗不應天順人以定大業項氏一作項縱火咸陽  
 失秦中之固遷主炎裔傷義士之心適天違人霸齒隙矣  
 漢皆反是故能成功據秦遺業東制區宇一作區雖此一作此無數  
 敗於外常有關中為舊主縞素以義動天下雖項氏猶存  
 而王業基矣若乃蠖屈鴻門龍潛天漢始降志於一人終  
 申威於四海則蕭張之計不亦遠乎余嘗論之漢祖猶龍  
 項氏如虎龍雖困而其變不測虎雖雄而其力易摧一神  
 一勢宜乎變絕然艤舟不渡留騅報德亦可謂之命矣自

湯武以干戈創業後之英雄莫高項氏感其伏劍此地因作賦以弔之

登彼高原徘徊始曙尚識艤舟之岸焉知繫馬之樹望牛

渚而一作蒼然歎烏江之日渡三字一作而不想山川之

未改嗟人世一作斯人之何處思項氏之入關按秦裔而割據

恃八千之剽疾棄百二之險固咸陽不留王業已去將衣

錦於舊國遂揚旌而東顧雖未至於陰陵誰不知其失路

耻沐猴之醜詆乃烹韓而泄怒謂天命之我欺何霸王之

不寤嗟乎楚聲既合漢圍已布歌數闕而甚悲酒盈罇而

不御當其盛也天下侯伯自我而宰制及其衰也帳中美

人寄命而無處季數涿而不亡羽一敗而終仆豈非獨任

於威力不由於智慮追昔四隲之下風煙將暮大咤雷奮

重瞳電注叱漢千騎如獵狐兔謝亭長而依然愧父兄兮

不顧既伏劍而已矣彼群帥兮猶懼雖霸業之無成亦終

古而獨步周視陳迹緬然如素聽喬木之悲風感高秋之

玄一作露因獻弔於茲亭庶神靈一作期之可遇

九一作皆集本并碑本

文苑英華卷第一百三十

此表校 四六十五字 初十日

